

երկրորդ օրը մանկունքն սկսան զուար-
թութեամբ իրենց ուսմանը ընթաց-
քը : Այս հանդիսէն շաբաթ մը վերջը՝
վարժարանը կրկին պատիւ մ'աւունե-
ցաւ , և կրկին քաջալերութիւն մը՝ վար-
ժապետքն : Աւայզմէն Լ'նգղիացի բազ-
մազէտ արքեպիսկոպոսն՝ ամիս մը առաջ
կարդինալութեան բարձր աստիճանն
ալ առնելով՝ Հռովմէն ելեր Անտորա
կ'երթար ուղղափառ եպիսկոպոսաց գա-
հը նորէն կանգնելու Լ'նգղիոյ մայրա-
քաղաքին մէջ . մասնաւոր դիտմամբ՝
Ա' եսեփիկէն ուզեց անցնիլ . և քաղքիս
պատրիարքին հետ տեսութեան վեր-
ջը՝ միտքը դրած ըլլալով երթալ մեր
վանքն ալ , և օգուէն ու ծովուն խառնա-
կութենէն արգիլուելով , որովհետեւ չէր
ալ կրնար ուշանալ և ճամբէն ետ մնալ ,
վանքին տեղ եկաւ Առաքայէլեան վար-
ժարանը , և հաճութեամբ տեղն ալ
տղայքն ալ տեսնելէն ետեւ , հոս յայտ-
նեց՝ որ Հռովմէն ելած ատենը Արեա-
զան քահանայապետն մասնաւոր յանձն
արարութիւն ըրեր է իրեն երթալ մեր
Ա' խիթարեան սրբոյն Ա' ազարու վան-
քը , և իր սուրբ ողջոյնը տալով քաջա-
լերել զԱ' խաբանքը որ միամտութեամբ
առաջ տանին իրենց բարեւեր ջանքն՝ զոր
ինքն ալ իր աստուածային և առաքե-
լական օրհնութեամբն կը հաստատէ :

Աւերորդ էր թերեւ հոս այս միա-
թարութիւնս և քաջալերքս ալ հրատա-
րակել , թէ որ միայն մեզի առանձնա-
կան ջնորհք մը սեպէինք . բայց երբոր
մեր վարժարանաց և ազգերնուս ալ վե-
րաբերեալ կը տեսնեմք , չենք կրնար
լուել . մանաւանդ այս ժամանակիս , որ
դժբաղդութեամբ երբեմն խառնակ
ձայներ կը լսեմք ազգերնուս միջէն , որ
հակառակ կ'ելլան մեր ջանիցն և դիտ-
ման զոր երկինք ալ կ'օրհնէ , երկնից
երեսփոխանն ալ , և այսպիսի աստուա-
ծարեալ և իմաստուն հայրապետք ալ :

Այսպիսեայ կարծիքը ինչ սկզբամբ
ալ ըլլայ՝ մենք միշտ խաբուած սեպե-
լով և մեր կողմէն ներելով ճանցած
կամ չճանցած վնասներնուն , կը թո-
ղումք ժամանակին անաչառ ատեանին

քննութեանը . յորդորելով մենք զմեզ՝
որ դժարութեանց մէջ ալ ետ չկենամք՝
Լ'ստուծոյ և ազգին նուիրած ջանքեր-
նէս . զաղքը՝ որ հակառակ կարծեաց
մէջ ալ ընտրէ զուղիղն . և մեր աշա-
կերտքն ալ որ առաքինաբար հաւատա-
րիմ ըլլան իրենց առած բարի կրթու-
թեանը և քրիստոնէական , մարդկային
և ազգային սրտաբերնուն . որով գայ-
թակղութիւնքն ալ երթալով պակսին ,
և ազգերնուս օրերը հետզհետէ առ-
ջիններէն աւելի պայծառ և երջանիկ
ըլլան :

ԲԱՆԱՍԻՐԱԿԱՆ ՏԵՂԵԿՈՒԹԻՒՆ

ԱԶԳԱՅԻՆ ՏԵՂԵԿՈՒԹԻՒՆ

ՅԵՏԻՆ ԲԱՆԻ

Լ'առաքաւարժ աշակերտ Արրորդի Դա-
սան Առաքայէլեան վարժարանին , 'ի յո-
ղաբէն պնասս 'ի հայրենիս ' :

Եթէ իցէ երբեք եղեալ յամենայն
'ի կեանս իմ օր խրախաւէտ և բարե-
գուշակ , և դարձեալ օր աղեխորով և
սրտաճմիկ , անշուշտ սերկեանս օր է ,
ո' Լ'ստուածապատիւ Ա' իտապետ և ար-
դոյ կաճառ Հարց իմ և Աղբարց պա-
տուականաց . անշուշտ այս օր է , յորում
յնծալից աչօք տեսանեմ զի դասմի ողջոյն
երեքտասան քաջուշիմ և ընտիր սրա-
մանեաց ընծայի 'ի Թատր աշխարհիս
իբրև ըմբիշք արութեան , զերկսայրին
զէն՝ զառաքինութեան և զգիտութեան
առեալ զանձամբ . առաջնոյն կոխել ըզ-
գլուխ բարիատեաց բանսարկուն , եր-
կրորդաւն 'ի բաց հալածել զտգիտու-
թեան Թանճրամած խաւար և լինել
օճանք զարգացման ազգին , Տխրու-
թեան և տրտմութեան կոչեցի դար-
ձեալ զօրս , զի ստիպիմ յաւամայս բա-
ժանել յետ սակաւուց 'ի սիրելեաց

1 Առաքայէլեան վարժարանին Արրորդի դասուն
վերջին հարցաքննութեան հանգէտ տեսեր . 273 :

իմոց , զորս սիրեցի և ոչ ևս դադարեցայց 'ի սիրելոյ : Սակայն խրախոյս մեծ է ինձ 'ի պնդութիւն յուզելոցս կրից' տեսանել զձեզ համախմբեալս աստէն 'ի լսել զյետին բան ապիկար ատենախօսիս , և 'ի տալ զվերջին հրաժեշտ հանդիսական' իմ և ձեր բարեմոյն որդեկաց , որ յաւարտ ժամանեալ ասպարիզին իւրեանց պատրաստին դառնալ 'ի հայրենիս : . . . Ի լուր հայրենեաց անշուշտ թնդացին սիրտք ձեր ո՛ առաքինազարդ մանկունք , և ետուն հառաչածայն հեկեկանօք և ինդամնութիւն զարձագանգս բանիս : Եւ թոյլ տուք ինձ հարցանել , զի՞նչ է որ զձեզ 'ի ծնելաւոր գրկաց քեցեալ , և 'ի մայրենական խանդաղատանաց և գգուանաց օտարացուցեալ' նժդեհաբար պանդրիտեցոյց ցայսօր ընդ օտար աստեղքք և յօտարալուր ժողովուրդս , եթէ ոչ փոյթ և սէր , նորոգ վարուց և նորոգ քաղաքավարութեան : Եւ եւն որք ընդ ծով ճանապարհ արարեալ դիմադրաւ ամեհի ալեաց , և կէսք ընդ ձիւնախաղաղ կամ ընդ հրատոյժոր քաւառս անցեալ , պանդրխտին ընդ երկար հեռի 'ի հայրենեաց , այլ սէր վաճառաշահութեան և ընչաքաղցութեան ձգեն գնոսա : Բայց դուք ոչ այդպէս , քանզի գնոսա 'ի տարաշխարհական պանդխտութիւն ձգէ արծաթն կորստական , իսկ զձեզ գիտութիւնքն անկորուստք և յաւետ գովելիք . նորքա անձանց միայն ծառայեն , դուք անձանց և հայրենեաց միանգամայն լինիք օգտամատոյց , զմիտս պէսպէս գիտութեամբք և զհոգիս ազգի ազգի ծաղկազարդ և անուշահոտ առաքինութեամբք զարդարեալ : Եւ թէ որպէս պարտ և արժան իցէ զերկոսին զայսոսիկ 'ի մի զօդել անանջատելի հանդուցիւք , այս է զբարեաց թողուլ յիշատակ յաստիս և 'ի հանդերձելումն երանական կենաց լինել ժառանգորդ , մնայ ինձ , եթէ ներեսցէ պատկառելի ակումբս , փոքր 'ի շատէ համառօտել յունկն սիրելեացդ իմոց , իբրեւ յետին բան և կտակ անաղարտելի :

Ե .

Եւ ինչ գնացին ահա , սիրելիք իմ , վեցեքին ամբ որ անանցանելիք 'ի սկզբան թուէին , և արդ յաւարտն ժամանեալ թուին երագունք իբրեւ զդիւրաշրջիկ անիւս կառաց , կամ իբրեւ նետ ձգեալ 'ի լայնալիճ աղեղանէ : Վնանզի չիք ինչ 'ի կենցաղումն անանցանելի , եթէ ուրախութիւնք իցեն և եթէ նեղութիւնք , անցանեն միօրինակ : Եւ ինչ 'ի նիւթականացս որ անանց իցէ . ամենեցուն այս են բաշխք , լինել և կորնչել . միայն հոգին է որ ընդ այս սահման արտաքս վազէ , զինա միայն յարարէն իւրմէ յիւր տպաւորեալ պատկեր՝ արտաքոյ է ճակատագրի նիւթականաց : Եւ թէ այդպէս իցէ , յիմարութիւն մեծ է զակատել զհետ անցանելի իրաց , և ունկն կարկառել չարաչար բերմանց մարմնոյ :

Եւ ահա դուք յայս միջոց վեցից ամաց , հանապազօր ընդ մարմնամտոյց կերակուրս առիք և զհոգեւորս զայս կերակուր , այս է ճանաչել զօգի և զվախճան նորա , և խոտորել յամենայն չար յօժարութեանց ապականեալ բնութեանս : Ի՞նչ իցէ երբէք գիտութիւն դժուարին և անբնական մտաց կորովագունից անգամ 'ի մարդկանէ , սա այն է , զոր բազումք գիտել դաւանին , այլ գործով զանգիտութիւն իւրեանց նշաւակեն : Ի՞նչ ելցուք 'ի հին ժամանակս յորս աստուածանգիտութեան խաւար կալեալ էր զմիտս ամենայն հողածնաց , յորս ամենայն ինչ Եւտուած էր բաց 'ի ճշմարիտն Եւտուծոյ , տեսանեմք այլ յայլ մէ շրջեալ զբնութեանն կարգ , զհոգի նմանակից Եւտուծոյ՝ սպասահարկու և արբանեակ մարմնոյ : Եւ զի շատ արարչին բնութեանս առ ուսուցանելոյ զմարդիկ միանգամ համայնաջինջ ջրհեղեղաւ խրատել , երկրորդ անգամ հրածորան երկնատեղաց պատուհասիւք սրբել և զտել զբնութիւնն : Վնանզի տեսանեմք յետ այսոցիկ ահաւոր և աստուածառաք պատուհասից զի տակա-

ւին ջերանին մարդիկ յախտս դժնդակս :
 Լմաստունքն անուանեալք առ Հելլե-
 նացիս՝ քարոզէին զպղծութիւնս գոր-
 ծով և բանիւ , զինչ ասլա ոչ բերի-
 ցեմք կարծիս զանիմաստիցն : Բայ
 պարտիմք ասել եթէ յանաստուածու-
 թեան ժամանակս գիտութիւնն ճանա-
 չելոյ զհոգի և զվախճան նորա , և խո-
 տորեն 'ի չար ցանկութեանց մարմնոյ ,
 զանխուլ եկաց ամենեւին : Բայց զինչ
 յետ ծագելոյ աւետարանական մշտա-
 պայծառ լուսոյն , որ քարոզէ զսրբութիւն
 և զանստերիւր վարս : Բայց , տեսանեմք
 դարձեալ զբազումս բազում անգամ
 զանխաղցեալ կամակար 'ի գիտութիւնս
 յայս : Բայնպէս զի , ներեցէք յանդգնու-
 թեան բանիս , փոքր միւս ևս և 'ի զուր
 երեւել Վրկչին իմոյ մարմնաւորութեան ,
 չարչարանաց և խաչին , 'ի զուր և այն-
 չափ նահատակաց արիւն յորդաբուխ որ
 զկեանս ընդ մահու փոխանակեցին նմա-
 նող լինելով Վրկչին իւրեանց և քարոզ
 նորին վարդապետութե . 'ի զուր այն-
 չափ ճգնաւորաց , կուսանաց և երանեալ
 արանց շահատակութիւն յօրինակ մեզ :
 Բայ ձեզ պարմանիք քաջութիւն , ահա
 համառօտ ուրուագիծ պատկեր յեղյե-
 ղուկ և զաղփաղփուն բնութեան մար-
 դոյ որ 'ի խնամս չարին հաստատեալ
 կայ 'ի մանկութենէ իւրմէ : Բայ եւ աչք
 մտաց մերոց առ 'ի ճանաչել զճշմար-
 տութիւն , այլ 'ի գործելն երկուանամբ
 իմն . կիրք ներհականք զցայգ և զցերեկ
 մարտ եղեալ կռուին 'ի մեզ . և որ յաղ-
 թող հանդիսանայ յահաւոր ճակատա-
 մարտի աստ , զնա երանեսցեն ամենայն
 դարք , և առ նովաւ յոչինչ համարես-
 ցին ամենայն աշխարհակալք աշխար-
 հիս այսորիկ :

Փոքր 'ի շատէ խելամուտ եղէք ցայս-
 օր ամենայն ախտից բնութեանս մե-
 րոյ և դարմանոց նոցին և ուսայք զբա-
 րին 'ի չարէն որոշել : Պտկեցան և ծը-
 ցան 'ի ձեզ ամենայն ազգի ազգի առա-
 քինութիւնք , չասեմ ծառացան և ար-
 մատացան , քանզի այն երկարագոյն ժա-
 մանակաց վաստակ է . հապա պտղա-
 բերս արարէք զնոսին այսուհետև և

արգասաւորս , անխոնջելի վաստակօքդ :
 Սեն ինձ մոռացօնք եթէ որչափ մէն մի
 'ի ձէնջ ընդ անձին ոգորելով , օր ըստ
 օրէ ջան 'ի գործ եղեալ նկրտէր զայս
 կամ զայն ախտ արմատաքի խել յին-
 քենէ . որոյ վասն եթէ երբէք վարեցան
 'ի դաստիարակաց ձերոյ դեղք դառինք ,
 սակայն դուք ինքնին վկայէք զի միայն
 յօգուտ ձեր էին : Բանզի և բժիշկ
 ճարտար առ 'ի բուժել զախտս մարմնոյ
 և զվերս խղիւայթեալս , երբէք դառինս
 'ի գործ ածէ դեղորայս և դարմանս
 դժոխքմբերս . ոչ առ չարիս ինչ գոր-
 ծել , այլ առ բարերարել վշտագնեալ
 մարդկութեան :

Եւ եւն ապաքէն ոչ սակաւք որ ա-
 ռանց մարդկային գիտութեանց վարեն
 կեանս աստուածահաճոյս , զայս ոչ որ
 ուրանայ . բայց դուք ընդ առաքինու-
 թեան և զգիտութիւնս կամեցայք լը-
 ծորդել զի մի գիտութիւն մարդկային
 սոսկ յաստուածազարդ առաքինու-
 թեանց սոնքացեալ հպարտանայցէ 'ի
 փնաս անձին և նմանեաց : Ի ձեր վա-
 ռեալ 'ի միտս ջահ գիտութեանց՝ ընդ
 իմումս աստուածայնոյն Եղիշայի զկր-
 կնակի տգիտութիւնն նկատեցէք մայր
 ամենայն չարեաց : Եւ դուք զգտու-
 թեամբ ձերով և մատենայած հմու-
 թեամբք պարտիք յամօթ առնել զթե-
 րատես զայն դատակնիք , որով անխո-
 հուն միտք դատապարտ առնեն զգի-
 տութիւնս , իբրու փնասաբերս անձին
 և ընկերութեան մարդկայնոյ 'ի գըլ-
 խովին : Օր իմաստութիւն աթուա-
 կից է Բստուծոյ , և ինքն սնորէն ամե-
 նայն եղելոցս չափով և կշռով :

Բայ զի է զի 'ի բազումս ազգաց Եւ-
 րոպայ ջահավառեալ լուսոյ գիտութե ,
 և տակաւին բարբանջեն ընդ խաւա-
 րաշաւիղ հետս մուրութեանց : Սէ
 պարտ զսրմանալ ընդ այդ , քանզի ո-
 րոշեցին զաստուածայնին 'ի մարդկային
 գիտութեանց , նորին աղագաւ յամօթ
 արար զնոսա Տէր դանդաչել 'ի լուսա-
 պայծառ տուրնջեան իբրու 'ի խաւա-
 րամած գիշերի : Բանզի գիտութիւնք
 բարւոյ են պատճառք , որոց գիտենն

զնոսին 'ի բարւոքն 'ի կիր արկանել :

() այս գիտելով և մեր նախապատիւ դասեցաք և դասեմք միշտ 'ի վարժարանիս զաստուածայինն գիտութիւն , առանց որոյ առ ոչ ինչ կամ սակաւ պիտանացու է մարդկայինն , և 'ի սոյն միշտ ջանացաք համոզիւք լինել ձեզ զցայգ և զցերեկ :

() ետ արշաւակի սրանալոյ 'ի կրթութեան ձեր ասպարէզ , դարձուցից միանգամ զաչս իմ և 'ի լայնարձակ ասպարէզն գիտութեանց ընդ որ ընթացայք : () այց զինչ . շնանան աչք իմ 'ի մեծաբորբոք լուսոյն . հիանան և ընդարմանան միտք իմ 'ի խոկանն եթէ որպէս գեղանւոյն աւրեգական վեցիցս թաւալ ընդ կենդանաւամարն երկնից արարեալ , բերել այնչափ զարմանահրաշ արդիւնս , որ երկտասան կամ աւելի ամաց կարօտէին արդեօք : () ի եթէ ելանեմ յ() զիմպոսանդ 'ի մէջ մոսայից տեսանեմ զոմն 'ի ձէնջ որ քաղցրահնչիւն քնարաւն ընդ աթենայի վսեամք երգողաց բերի 'ի պայքար . թէ իջանեմ 'ի խինձս երկրի , անդ նկատեմ զայլ ոմն որ մանրակտիտ և սուր աչօք ցանկայ խելամուտ լինել յեղափոխութեանցն եղելոց յերեսս երկրի , և թափանցանել զառ 'ի ներքոյս հողադնստոյս , ուրանօր ոչ ծագեն ամենեւին աչք ծիծաղաւէտ արիւնեւոյն :

() ոմն տեսանեմ ճանապարհ ընդ օդս առնել արագաթ և սլացմամբ , և 'ի սահմանաւոր միտս իւր ջանալ պարփակել զանսահման երկինս : () այլ ոմն զօրինաց ելեկտրոնական ամպախաղաց հրձգութեանց , զցօղոյ և միգի , զանձրեւոյ և ըզձեանտալ զպարտուպատշաճ պատճառս , թափանցել 'ի խորս էութեան մարմնոց , խելամուտ լինել ամենայն երևութից բնութեան և օրինաց նորա , դնել սանձս սրնթաց գետոց , զջուր 'ի խորոց 'ի վեր պուղեցուցանել , տալ երկաթազէն կառաց շունչ իմն նորազեցիկ , և ընթացուցանել զնոսին երագագոյն քան զարծուիս թուցեալս յօդս , ընդ անսահման տարածութիւն , 'ի մի վայրկեան ժամանակի հազորդել զքաղաքանին ընդ իրեարս . զայս ամենայն

և զայլ սոցին նման բազում երևոյթս 'ի կարճոյ ըստ ներել ժամանակին ամփոփեցիք 'ի միտս ձեր , և իւրք իրօք զընութիւն ձեզ ծառայեցուցիք : () այլ ոմն անդուստ նկատեմ որ բնալուծակա նին շահաւէտ գիտութեան եղեալ 'ի խրնդիր , անդաձէ զօրէնս առ միմեանս բերման մասնրկանց մարմնոց , քննել թէ զինչ զօրութիւնք են որ զմասունս միոյ մարմնոյ սերտ առ միմեանս կռուեալ ունին , և զինչ հակառակ զօրութիւն որ ստիպել զնոսին բաժանել 'ի միմեանց . զինչ ազդեցութիւն թութուտից 'ի վերայ մետաղաց , և զինչ 'ի բնալուծութեան արուեստից օգտակար գիւտք : () ստ և զայլ ոմն նշմարեմ որ փոքու անձամբ զուս իւր տուեալ երկրագործական աշխատութեց ցանկայ նովիմբ զարդիւնս երկրի 'ի ծոց իւր ամբարել , և զանարգասաբեր և զապաւեր երկիր հայրենեաց իւրոց , կացուցանել ժամանակաւ արգաւանդ և պտղաբեր : () նդ 'ի հեռաստանն նկատեմ և զայլ որ ազգի ազգի լեզուաց լեալ խելամուտ , այս է , աշխարհաբարոզ գաղղիական բարբառոյն , վաճառախօս անգղիացւոյն , քաղցրահնչիւն իտալացւոյն , ջանան զերեցունց զխաւոր ազգացս այսոցիկ զընտիր ընտիր հանգամանս յանձինս բերել , դեզերելով 'ի նոցուն օգտաւէտ մատեսնս և լեզուացն հրահանգօք մուտ գտանել յարուեստ վաճառաշահութեան : () յէ զինչ ևս ասացից վասն այնոցիկ որ զդէմն և զգրուագս 'ի քարտենի ուսան դրոյմել , զգեղեցիկ տեսարանս բնութեան ծրարել 'ի դաշտ սպիտակ . խելամուտ ձարտարապետական և ընդօրինական սկզբբանց : () սող ընդ իմ խօսեացին արարուածք ձեռաց նոցա , որ զարդարեն զգահլիճս վարժարանիս : () ինչ ևս է ինձ յօդել բարբառ և վասն այնոցիկ որ զմատունս շարժեն 'ի քնար , 'ի ջութակ , և յայլ երաժշտական գործիս քաղցրալուրս ականջաց : () է է ինձ մոռնալ աստէն և զերկու համասուն և քաջուշիմ ընկերս ձեր , որոց բարձրագոյն և բրովբէատիպ կենաց լեալ փափագող , ինքնանուէր ընծայեցան 'ի սպասաւ :

բուժիւն սեղանոյ տեւան , յաշխարհա-
ծուի կենցաղոյս յանքոյթ նաւահան-
գիստն ապսպարելով զանձինս :

(Ժող թուք ինձ աղէ , սիրելիք իմ,
հարցանել ձեզ , ոչ դուք արդ այնորիկ
իցէք , որ վեց ամաւ յառաջ ոչ բանս կա-
րէիք յօգել բերանով , ոչ շարժել զձեռն
'ի գրել , և արդ ուստի այդչափ փոփո-
խութիւնք , և ոյք նոցին պատճառք :
Եւ ինչ Զան ձեր ուսումնասէր , զոր բա-
զում խթանաց պէտք եղեն զառաջինն
առ 'ի զարթոնցանել . երկրորդ ան-
գամ՝ ձեր դաստիարակք , որ աննա-
խանձ մտօք բաշխեցին ձեզ զաղբիւրս
իմաստից , զկորդացեալ և զանարօր
երկիր մտաց ձերոց արօրադիր և ախօ-
սաբեկ առնելով բազում աշխատութիւն
և տառապանօք , որոց թէ քանի չնոր-
հակալիս և երախտիս պարտիցիք , ձեզ
թողում քննել :

Նշա անցին և մոռացօնք եղեն ամե-
նայն նեղութիւնք և վիշտք զորս կրեցիք
'ի տեղոյն աստ դաստիարակութե ձե-
րոյ 'ի մարգել զանձինս յաստուածահա-
ճոյ և 'ի բարեկրօն վարս , և 'ի զարդա-
րել զմիտս ազգի ազգի գիտութեամբք .
բայց ոչ և այնորիկ զոր ստացայքն նե-
ղութեամբքս այսօրեւ , այս ինքն ըն-
տիր քաղաքաւարութիւն և պէսպէս
գիտութիւնք , որ լիցին ձեզ բնականից
յամենայն 'ի կեանս ձեր : Նշա եհաս
վայրկեանն փափագելին առ 'ի ձէնձ ,
յորում լուծանիցիք 'ի պարապմանց
դաստիարակութեան , և մտանիցէք 'ի
նոր կեանս : Եւ այն թէ զինչ առնել իցէ
ձեզ և որպէս քաղաքաւարել անդանօր ,
սակաւութե պարզեցից առաջի ձեր , զի
ամենայնի խելամոռտ և ներկուռ գտա-
նիցիք , և մի իբրեւ անգէտս դանդաչի-
ցիք 'ի նոր կեանս ձեր :

Բ .

ՅԻՐԱԻԻ կատարեցան ամբ դաստիա-
րակութեան ձերոյ 'ի վարժարանիս .
այլ միթէ դաստիարակութեանն ժա-
մանակ 'ի վեց ամս պարփակեցի . բու-
վանդակ կեանք մարդոյ կրթութիւն

է ասաց իմաստունն , և զինչ ձեզ որ
հազիւ զառաջին քայլափոխս արարեալ
էք տակաւին 'ի կրթութեանն ասպա-
րէզ : Արպէս 'ի մոռնոյ մարմնոյ ոչ է բա-
ւական օր մի կամ եօթնեակ կամ տա-
րի 'ի տաճել կերակրովք , և ապա ան-
խնամ թողուլ , այլ հանապազօրեայ հո-
գողութիւն , զնոյն իմա և վասն սննդ-
դեան հոգւոյ , և այն առաւելութեամբ
հանդերձ , որչափ հոգի առաւել է քան
զմարմին . զի մահ մարմնոյ առ ժամա-
նակ մի է , իսկ հոգւոյն անվախճան :

Հայա , դուք սիրելիք իմ , յորժամ
արձակեալք 'ի տեղոյն աստի ուրանօր
զամս վեց շնչեցիք զսիւզ անուշարար
կրթութեան , մտանիցէք ընդ հուպ 'ի
թատրն աշխարհիս 'ի լայնն և 'ի բազմ-
որոգայթ , զինչ և որպիսի լինիցին
ձեր գնացք անդանօր , գիտելով զի ա-
մենեցուն աչք 'ի ձեզ են կառուցեալ .
սիրելիք ձեր՝ վայելել 'ի քաղցր արգա-
սիան , զոր երկայն յոյս տեսութեան
ձերոյ խոստանայր նոցա . գուցէ և այլք ,
ըստ պատճառախնդիր բուսոյ բարուց
մարդկութեան խժբիծս գտանել 'ի ձեզ :
Եւ թուարին է գիտեմ և ես հաճել զա-
մենեսին , նա և անհնարին իսկ , ուրա-
նօր այնչափ ներհակ կարծիք , կիրք ,
զգածմունք տիրապետեն և կբրին ընդ-
դէմ իրերաց , բայց աստ է ձեր քաջու-
թիւն , գիտել թէ որպէս արժան իցէ
վարել ընդ ամենեսին , ընդ իմաստնոյն
իմաստուն լինել , ընդ անմոխ անմոա-
նալ իսկ , թէ երբէք հարկն պահանջե-
ցէ , այս ինքն խնայել 'ի լեզուս ձեր զի-
մաստունն բարբառելոյ , երբ նա արհա-
մարհող նոցին գտանիցի , քանզի ըստ
Խմաստնոյն որպէս ամենայնի զոյ ժա-
մանակ , այսպէս և խօսելոյ և լռելոյ :

Իբրու նաժիշտ աստուածայնոյն 'ի
նորոգ կենցաղիդ պէտք են ձեզ դար-
ձեալ ունել սէր ընկերական , սէր ան-
խարդախ և միաբանասէր . քանզի ցոր-
չափ կեամբ յաշխարհի , անմարթ է ա-
ռանց այսր սիրոյ կալ զինչ և է ընկե-
րութեան 'ի կայի իւրում և 'ի հաստոյն .
զի յանսիրելութենէ ծնանին թշնամու-
թիւնք , անտի հեռ և նախանձ , ատե-

լուծիւն և բամբասանք , և ամենայն չարիք , որք են առհասարակ ցեցք ապաւ կանխէք ամենայն բարեաց ընկերութե մարդկան : Հարցանիցէք զոյս և զորպիսիս սիրել : Օ ամենայն մարդիկ առհասարակ , քանզի ամենեքին 'ի պատկեր Մտուծոյ արարան իբրև զձեզ , ուստի և վասն ամենեցուն պահանջի 'ի ձէնջ սիրելութիւն , բայց և 'ի սոսա առաւել քան զամենեսին արժան է սիրել զհաւատակիցս ձեր , զազգակիցս , զբարեկամս , զընտանիս և զծնողս ձեր զմարմնաւորս և զհոգեւորս , քանզի այս կարգ է սիրոյ :

Ընդ սիրոյ անմեկին զուգակից և խաղաղութիւն պարտ է ձեզ ունել , զոր և ոչ ես այլ ինև Վրիստոս ինքնին պատուիրէ ձեզ , որ զսէր և զխաղաղութիւն եթող յաւանդ իւրոց աշակերտաց 'ի վերջնում աւուր կենաց իւրոց յաշխարհի : Ընխաղաղասէր բարք թէ քանի փնասս հասուցին 'ի հնումն յազգի մերում , ոչ է տեղւոյս խօսել , առաքեմ զցանկացողսն յէջս անաչառ պատմըչաց ազգիս , որք այսոցիկ ամենայնի աւանդապահք են : Եւ զայս ոչ եթէ պարտաւորէտ մտօք ասեմ ես 'ի վերայ ազգին , քանզի և ես անդամեմնորա , այլ զճմարտութիւն անխարդախ դաւանել ոչ ինչ երկնչիմ . և եթէ ես լռեցից պատմիւք ազգիս բարձրագոյ աղաղակեն : Այլ կամիմ քմայարդար և ախորժալուր բանիւք զեղերեսել զթերութիւնս ազգիս , զի այն ոչ ուղղելոյ ինչ նշանակ է , այլ 'ի թերութիւնս զնա կանդաղելոյ :

Եւ զինչ պատճառք խռովասէր անմիաբանութեան . եթէ ոչ յաչաղկոտութիւն և նախանձ , ինքնահաւան կարծիք և նպերտ բարք , որովք 'ի ծուէնս ծուէնս պատառին ամենայն ընկերութիւնք , մինչդեռ իւրաքանչիւր ձեռն յանձին հարեալ ունչս զընկերաւ առնիցէ , և փոխանակ ձեռնկալու նմին լինելոյ առաթուր հարկանիցէ : Եւ քանզի 'ի միաբանութեան է ամենայն իրաց հաստատութիւն , որով տկարքն զօրանան , արիասիրտքն խրախուսեն ,

պղերգք քաջանան , անկամք կամաւորին , և ձեռն 'ի ձեռն տուեալք լինին իբրև քաղաք ամուր անվանելի յերեսաց թշնամեաց և 'ի բախմանէ ամեհի ոսոխաց , ապա 'ի պառակտելն քակտի ամրապինդ շինուած զինչ և է ընկերութեան , և դնի յեղծումն և յապականութիւն :

Յօրինակ անմիաբանութեան կայ ամբարտակն բաբելոնական , շինուած ամբարտաւանութեան մարդկան , որ 'ի խառնակել լեզուացն աստուածասաստ պատուհասիւ և անմիաբանել կարծեաց , անկաւ կործանեցաւ անկանգնելի : Ընչաձեզ վատաբախտիկն Բրչակ Հայոց թագաւոր , որ երեսուն և վեց պատերազմունս մղեալ ընդդէմ Պարսից , յամենեսին ևս դտաւ յաղթական և ոչ պարտեալ . այլ իբրև անմիաբանութեան նենգամիտ գաղան սպրդեաց 'ի նախարարսն , որպէս ասէ պատմիչն , և սկսան սորսորել 'ի նմանէ , անդէն վատթարացան իրքն , և զօրացաւ կնամարդի Պարսիկն 'ի վերայ քաջաբազուկ Հայոցն : Ընչաձեզ Արդան արիասիրտն և քաջաբազուկ որ 'ի դաշտն Բարայրի աւրեամբ իւրով բողոք բառնայ զանմիաբանութենէ ազգին իւրոյ յերկինս և յերկրի : Օնոյն է ասել և զայլոց ոչ սակաւուց , որպէս զԱմբատայ Բագրատունոյ , որում նախանձընդդէմել ընդ առաջ ամբարհաւած Վադիկ Բրծրունեաց թագաւոր . զՎադիկայ Երկրորդէ , զվերջին թագաւորէ Բագրատունեաց դահակալութեան , որում խոչընդոտն եղև անօրէնն Աեստ Սարգիս : Ընչաձեզ և ազգ Յունաց որ 'ի Սարաթոն և 'ի Սաղամիս փոքու ջոկատաւ զբազմախումբ ճամբար Պարսից հալածական վարեաց , և զհպարտացեալն խոնարհեցոյց , բայց և ինքն օրէնսդիրն ազգաց ոչ յետ բազմաց խոնարհեցաւ ընդ թովօտար ազգաց առ Բլեքսանդրիւ մեծաւ և առ Պաւղոսիւ Եմիլիոսիւ , վասն պառակտելոյ յինքեան :

Օ Էլ ինձ դեգերել 'ի պատմութիւնս հնոց ազգաց մինչդեռ առ կռան ունիմք զայլ օրինակս : Վուր իսկ աչօք ձերովք

տեսիք և լուայք ականջօք , եթէ զինչ ինչ չարիս ոչ գործեցին յանցելում խռովայոյզ և մարտամբոխ ամի անմիաբանութիւն և երկպառակութիւն յիտալացւոց աշխարհիս , յորումայր իւրաքանչիւր գկամն անձին կամեցեալ կացուցանել , ամենեքին 'ի միասին տապաստ կործանեցան : Ո՛հ , ոչ հանդուրժէ սիրտ իմ մանր կրկտել զաղէտսն որ 'ի նոցանէ ծնան , այլ լաւ համարիմ սքօղել ընդ սեւթոյր վարագուրաւ :

Փախերուք ապա , սիրելիք իմ , փախերուք յանմիաբանութենէ , քանզի բազում են նորա փնասք , և անդարմանելիք գլխովին . չիք ախտ ժանտ և փնասաբեր ընկերութեան մարդկան քան զանմիաբանութիւն և զերկպառակութիւն : Եւ ամենեցուն Հայորերոյ այս լինիցին պարտք՝ միով ոգւով վառեալ վաստակել միամիտ և միահաւան յօգուտ ազգին և 'ի պայծառութիւն եկեղեցւոյ : . . .

Հուսկ ուրեմն լերուք ազգասէրք և հայրենասէրք , իւրաքանչիւր ըստ իւրում կարի ջանալով նպաստամատոյց լինել ազգին խորհրդով , վաստակօք և ընչիւք և այլով ամենայնիւ որում կարօտ իցէ ազգն և ձեզ հնարաւոր , որով և 'ի տարեգիրս բարերարաց ազգիս դրօշմեսցին ոսկի տառիւք և ձեր անուանք , և մի նզովեսցին իբրեւ զազգատեաց և զազգահալած արանց անուանս : Բայց որպէս ամենայն առաքինութիւն 'ի միջակին հաստատեալ է , զնոյն պարտ է իմանալ և զազգասիրութենէ և զհայրենասիրութենէ . զի յախուռն ազգասէր ոչ ինչ նուազ քան զազգատեացն չարիս կուտէ 'ի վերայ ազգին հապճեպ և անխորհուրդ ընթացիւք իւրովք , և խակ և տհաս մտածութեամբք : Եւ ինչ խտիր է ընդ ազգասէր յորձնեւանդն և ընդ ազգատեաց , զի առաջինն գէթ առժամանակ մի բոցափայլեալ վառի և խտտղէ զաչս տեսանելեաց , բայց և ընդ շիջանէն խանձէ խանձոտէ և զայլ 'ի հուր սաստկութեան իւրոյ , իսկ երկրորդն է արձան աղի , յոչինչ պիտանացու , աւելորդ բեռն աշխարհի : Իոր-

շեցէք յերկրորդէն և զգուշացարուք յառաջնոյն : . . .

Եւ ինչ բանիս , և եթէ որպէս արժանիցէ անպէս կենցաղավարեսցիք 'ի նորոգ կեանս ձեր , վարուք և գործով լինելով այլոց օրինակ բարեաց , զոր պահանջէ 'ի ձէնջ իրաւամբք վարժարանն որ սնոյց զձեզ , այս վեցեքին ամբ են՝ յայտալիսի աստուածազգեցիկ սկզբունս , յայնժամ պայծառացին և անուանք ձեր իբրեւ զարանց առաքինեաց , բարեաց թողով յաւերժ յիշատակ , և պըսակեսցիք յանտիս յաննախանձ և առատաբաշխ ձեռաց Բարձրելոյն : Եւ այն լիցի փոխարէն լիով և մերոց այնչափ աշխատութեանց և քրտանց զոր հոսեցաք վասն ձեր , առ յորդորելոյ զձեզ խոտորել 'ի չարէն և գնալ զհետ արդարութեան , և առնել զօրէնս և ըզպատուիրանս Տեառն :

Բայց զինչ և առնիցէք գործս բարիս , մի ակն ունիցիք առնուլ ինչ վարձս 'ի մարդկանէ , այլ յԵսուծոյ և եթ : Եւ ձեզ օրինակ Հարք այսր պատկառելի ակմբիս , որոց զոգի 'ի բռին եղեալ ամենայն ճգամբ , վաստակին 'ի պայծառութիւն եկեղեցւոյ սրբոյ , յօգուտ ազգին և յօգուտ հոգւոց իւրեանց : Օտոսա և զնմանիս նոցա օրինակ ձեզ առէք , որք ոչ փառս առ 'ի մարդկանէ ցանկան առնուլ , այլ ակնկալելալ միան առատատուր ձեռաց հաստ չին բոլորեցուն : Եւ դարեւ դժուարին է ճանապարհ առաքինութեան և լի 'ի նմա խոչք և խուժք . սակայն 'ի ծայր այնր ճանապարհի միայն համբարեալ կան պսակք . անմահութեան . անդր յառեսցիք , և քրտնաթոր ճակատք պսակեսցին անթառամ :

Ի Ռափ . Վարժ . 29 օգոստ . 1850 :

Հ . ՄԱՆՈՒԷԼ Վ . ՍՈՓ . ԲԱՋՈՒՆԻ